

(قدمان ملوک مصریہ تاریخی) (تابع)

۱ (مصرایم)

کافہ مؤرخینک نقل وروایتہ کورہ مصرک برنجی حکمداری
حضرت نوح علیہ السلامک حفیدی اولان حامک اوغلی مصرایم
اولوب مملکتی کندو اسمہ منسوباً مصر قسیمہ المشدور
اشو حامک کوش وکنعان وقوس ومصرایم اسمندہ درت اوغلی
اولوب بونلردن کوش حبش وکنعان بریدہ الشام طرفلرینہ
کتش ومصرایم مصر الکاسنی وقوس دخی الکای مذکورک
جهت غریبہ سندہ واقع محللری اسنیلا ایتمشیدی مصرایمک
زیر حکومتندہ بولنان محللارده بت پرستک دینی وضع واحداثدن
بشقہ اثری معلوم دکلدرو بونک خلفلرندن تب شهرینک
بانیشی اولان یوزیریس مسنیئا اولق اوزره اوز ایماندیاس نام ملکہ
کلتجیہ قدر اولان حکمدارلرک اسامی واحوالی بالکلیہ مجهولدر

(اوز ایماندیاس)

اوز ایماندیاس اسیا قطعہ سندہ مقدما بقترہ وشمیدی بلخ قسیمہ
اولنان مملکتہ بالذات کندوسی رئیس الجہش اولارق درت یوزیک
پیاده ویکرمی بیک سواریدن مرکب برجسیم اردو سوق ایتمش
اولمسیلہ عصرندہ مملکت مصریہ نک کسب معموریت واقصدار
ایتمش اولدیخی استدلال اولنور بلخدن عودتندہ غایت مکلف ابدیہ

انسانسیله دیوارلرینه محاربات واقعہ سنی نقش و ترسیم ایتدیرمش
 و برجسیم کتبخانه تنظیم ایله قیوسی اوزرینه (خزینہ دوا۱ روح)
 کلماتنی یازدیرمشیدی و کندوسنه فوق العاده برمز اربنا ایدرک
 اطرافنده برارشون وسعی و اوچوز التمش بش ارشون محیطی
 اولق اوزره التوندن مصنوع بردائره اوزرینه کونشک طلوع
 وغروبنی و قمرک سیر و حرکتنی نقش ایتدیردیکنه و اولوقنده
 مصر یونک سنه نی اون ایکی ماهه و هر ماهی اوتوز کونه تقسیم
 ایدرک اون ایکنجی ماهه بش کونالتی ساعت علاوه ایتلرینه نظراً
 علم هیئنده مهارتلی اولدیغنی اکلا شیلور ملک مشارالیه متدین
 و حقیقتناس اولدیغندن بین الاهالی زیاده ممدوح و محترم ایدی

(اوخوریوس)

اوخوریوس سالف الذکر اوزیماند ییاسک اخلافنددر مقیاس نیله
 برقاج ساعت اولوب مدت مدیده مصرک مرکز حکومتی بولسان
 منقش شهرینی بوبنا ایتمشدر شهر مذکور محیطی یدی ساعت
 اوله رق غایت وسیع و خندق و سور ایله محاط و مستحکم اولوب
 منتظم بوللر ایله مزین ایدی جیره قریه سی جوارنده واقع فرعون
 تدلی تعبیر اولسان مشهور اهرام ایله سقاره نام قریه ده غایت مصنع
 اوله رق البوم اناری موجود بولسان معابد و سرای و مزارستان
 ملک مشارالیه منسوبدر

(مریس)

مریس میلاددن بیک یدی یوز سنه مقدم حکومت ایدوب فوم
 ناحیه سنده حالا آناری مشهود اولان غایت واسع حوض بونک
 بنا کرده سیدر مؤرخین متقدمه نك بیانیه کوره حوض مذکورک
 یوز سکسان ساعت محیطی و اوچیوز قدم عمق اولوب نیلک
 درجه معتاده فیضانی اثناسنده درونده صوطولد یریلوب ونهر
 مذکورک حد مطلوبه واصل اوله جق قدر ارتقدیخی سنده لده
 اراضی اندن اسقا اولور ایدی فی الحقیقه حوض مذکور مملکتک
 معمور یقنی واهالهنسك كثرتی متضمن بر اثر عظیم اولوب
 مشارایه بوجمله ابقای نام ایشدر

مریسك وفاتندن صکره بعض اجنیلر مملکتی ضبط واسیلا ایله
 ایکی یوز سکسان سنه اجرای حکومت ایتیشلردر انبجق
 بواجبیلر عمر بمدر یوخسه اولوقت فنکه تسمیه اولان طرا بلس
 شام سکنه سندن بر طائفه میدر معلوم اولیوب عندالمؤرخین
 مشکوک و مشابهدر ملوک مصریه نك کافه سنه فرعون اطلاق
 اولاند یغندن بواجبیلردن ظهور ایدن ملوک دخی فرعون اسمیله
 معروف اولوب حضرت ابراهیم علیه السلام مک مصری
 تشریفلری بو فرعونلردن برینک زماننده وقوع بولمشدر

(موزیس)

اموزیس اجانب مذکوره ایله محاربه ایدرک انلری مضردن طرد

واخراج ايله اجدادی مثل و خطه مصر يه يی کاملاً تحت تصرفه
ادخال ایتشیدی

بوندن صکره الی سنه مدته السکای مصرده اجرای حکومت ایدنلرک
نام و نشانی مجهول اولوب فقط بوائشاده ینه فرعون لقبیله
معروف بر ملکک ایام حکومتده حضرت یوسف علیه السلام
وقعه معلومه دن صکره مصره کنوریلوب مسند نشین حکمرانی
اولمش و حسن تدبیر یله مملکتی حفظ و غلادن تخلص ایتشدر

(امس میاموم)

ملک مشار الیه میلاددن یک بشیوزیتش یدی سنه مقدم حکمدار
اولوب التمش الی سنه اجرای حکومت ایتش و بونک زماننده
یهودیلمصرده بولندیغندن بونلره اشوری اذا وجفا ایدرک فیوم
و ملک مشار الیه اسمنه منسوب رامسبس شهرل ینک بناسنده
استخدام ایتشدر

(امینوفس)

سالف الذکر رمسبسک امینوفس و نور پرس نامنده ایکی اوغلی
اولوب وفاتنده امینوفس جانشین پدر اولمش و برمدتنبرو مصرده
تمکن ایتش اولان نجی اسرائیل قومنی کلیاً محو و اسیصال ایتک
اوزره حقارنده زیاده جور و اذا ایدوب ینه تناسل و تکرار یتدکلی
کوردکده یکی تولد ایدن اطفالک اعدامنی امر ایتش ایدی اول

انسانده حضرت موسی علیه السلام ولد تلی وقوعبولوب
 اول امرده والدهری اخفایله تخلص ایتک استمش ایسه ده
 کتی ممکن اوله مبدق نهایت شیوعندن احترازاً چوجنی
 بر سیده وضع ایله نیله القایتمشیدی مقتضای قدرت الهیه
 امینوفسک قزی نیلده استحمام ایلدیکی مالدیه مذکور سیدی
 اوراقدن کوره رک یانسه جلب ایتدرمش و دروننده بولان
 چوجنی الوب سراینده تربیه ایتدرمشیدی ملوک مصریه دن
 صورت احوالی مؤخرأ بیان اولنده حق مشهور سیر و ستریس
 اشبو امینوفسک اوغلیدر

(محمد جبل)

(خلیل)

سفیر پارس

سفیر پترسبورغ

(بقیه سی صکره)

(مابعد)

(علائم سماویه)

(خواجده)

کچن درسده بیان ایلدیکم وجهله هوا عنصر یعنی جسم بسیط
 اوله بوب مرکب و بی رنگ و بی رائحه و شفاف و سیال و رقیق
 و قابل الوزن و غیر قابل اللمس و قابل الانوطا و الاستیق بر جسمدر
 و صوحوانات بحر به نک یشامسند مقتضای اولدیغی مثالو هوا دخی